

# উদ্দেশ্যহীন আর কত দিন?

Let's Do The Math & Change The Path

পাথিক  
১০ ১১ ১২



# উদ্দেশ্যহীন আর কত দিন?

মূল

উস্তাদ মোহাম্মদ হেবলোল

অনুবাদ

বায়েরীদ বোস্তামী

সম্পাদনা

ডা. শামসুল আরেফীন

বানানসংশোধন

মোহাম্মদ আল আনীল

প্রকাশনায়

**পথিক**  
প্রকাশন

[পথ পিপাসুদের পাথেয়]

## উদ্দেশ্যহীন আর কত দিন?

উস্তাদ মোহাম্মদ হেবলোল

প্রকাশক : মো. ইনমাইল হোসেন

প্রচ্ছদ : প্রকাশক কর্তৃক সংরক্ষিত

### প্রকাশনায়

পথিক প্রকাশন

১১ ইসলামী টাওয়ার, ৩য় তলা, দোকান নং ৩৯, বাংলাবাজার, ঢাকা-১১০০।

মোবাইল : ০১৯৭০-১৭৫৭১৭, ০১৮৫১-৩১৫৩৯০

[www.facebook.com/pothikprokashon](http://www.facebook.com/pothikprokashon)

Email: [pothik1prokashon@gmail.com](mailto:pothik1prokashon@gmail.com)

প্রচ্ছদ : আবুল ফাতাহ মুন্না

প্রথম প্রকাশ : মার্চ ২০২৩

২১শে বইমেলা পরিবেশক : প্রীতম প্রকাশ

### অনলাইন পরিবেশক

[rokomari.com](http://rokomari.com)

[wafilife.com](http://wafilife.com)

[pothikshop.com](http://pothikshop.com)

[islamicboighor.com](http://islamicboighor.com)

[bookriver.bd.net](http://bookriver.bd.net)

signature of noor

[raiyaanshop.com](http://raiyaanshop.com)

[hoqueshop.com](http://hoqueshop.com)

মূল্য : ৬০০/-

## উৎসর্গ

হে একবিংশ শতকে এসেও ঘুমন্ত সত্তা!

এবার তো জাগো। তাকিয়ে দেখো, উষার আলো সমুদ্রের জলে বিকমিক করছে, জোরদার হয়েছে ভোরের পাখির কলকাকলি, কাদের যেন পদধ্বনি শোনা যাচ্ছে অদূরে। নতুন এই পৃথিবীর বুকে হয়েছে ইসলামের অধিষ্ঠান। আকাশে পতপত করে উড়ছে তাওহিদের কাগিমা। বিজয়োৎসব শুরু হতে আর বেশি বাকি নেই।

কিন্তু তুমি এখনও কীসের মোহে আচ্ছন্ন?

ওঠো! আসবারে কাহাফের মতো আচমকা জেগে উঠে মেলে ধরো সত্যকে। বেরিয়ে পড়ো মশাল হাতে।

রওয়ানা হয়ে গিয়েছে কাফেলা। বেশি দেরি কোরো না, পেছনে পড়ে যাবে। প্রতিদানের প্রশাস্তি বর্ধন শেষে পৌঁছলে কী লাভ? দেরির কারণে সান্দ্রনা পুরস্কার নিয়েই যেন সন্তুষ্ট থাকতে না হয় আবার।

তোমার জেগে ওঠার প্রত্যাশায়...!!



# সূচিপত্র

ভূমিকা.....	১১
উদ্দেশ্যহীন আর কত দিন?.....	১৮
আমাদের হারিয়ে যাওয়া.....	১৮
দাসত্বের সম্পর্ক.....	২৫
বোন! কেন তুমি গন্তব্যহীন?.....	৩২
জীবনের প্রয়োজন.....	৪৭
পৃথিবীর প্রকৃত চিত্র.....	৫৪
কে এই পৃথিবী?.....	৫৪
পৃথিবীর চরিত্র.....	৫৫
পৃথিবীর সাথে নবীদের আচরণ.....	৬৩
পৃথিবীকে তার প্রাপ্য গুরুত্বের বেশি দিয়ো না.....	৬৮
সাহাবীদের মানসিকতা.....	৭১
পার্থিব জীবন এক সফর.....	৭৩
দুনিয়া একটা যাত্রাবিরতি মাত্র.....	৭৪
দুনিয়া স্বল্পকালীন পরীক্ষাক্ষেত্র.....	৭৬
ফ্যান্টাসি অব ম্যারেজ.....	৭৭
ইসলাম = পূর্ণাঙ্গ আত্মসমর্পণ.....	৮৩
তোমার শেকড়.....	৮৩
ইসলামের পরিচিতি.....	৮৮
ইসলাম কাকে বলে? এর সঠিক পরিভাষা কী?.....	৮৯
ইমান কি?.....	৯৬
দানের বিষয়ে নিজের মতামত.....	১০০
বিশ্বাসের বদলে যুক্তিনির্ভরতা.....	১০৪
শূকর খাওয়া.....	১০৫
পর্দা কেন করি?.....	১০৬

উদ্দেশ্যহীন আর কত দিন?

তাওয়াক্ব কেন করি? .....	১০৭
তালাকের পর ইদত পালন .....	১০৭
ডাক্তারকে অন্ধবিশ্বাস .....	১০৮
দান করলে সম্পদ বাড়ে .....	১০৯
আল্লাহ ও রাসুলের নিঃশর্ত আনুগত্য .....	১১০
তুমি কি তোমার রাসুলকে চেেনো? .....	১১৪
কেমন ছিলেন তিনি? .....	১১৯
তাঁর চরিত্র কেমন ছিল? .....	১২২
তিনি আমাদের কে হন? .....	১২৫
তাঁকে জানার শুরু .....	১২৭
তাঁর জীবনের সাথে সাদৃশ্য .....	১৩৩
ফাতিহা উপলক্ষি এবং সালাতের গভীরতা .....	১৪৪
উদ্দেশ্যের খোঁজে .....	১৪৪
'সালাত' কী? .....	১৪৯
সালাতের মাধ্যমে রুহের চিকিৎসা .....	১৪৯
প্রশান্তির সালাত .....	১৫৩
সালাতের উপলক্ষি .....	১৬০
নিজের পাপ প্রদর্শন কোরো না .....	১৮১
সকল অশান্তির মূল .....	১৮১
পাপের পরিচিতি .....	১৮৪
ছোট পাপ, বড় পাপ .....	১৮৫
প্রকাশ্য পাপ .....	১৮৬
পাপের প্রতি উৎসাহ .....	১৯০
মৃত্যুর সাথে পরিচিতি .....	১৯৩
মৃত্যুর উপলক্ষি .....	১৯৭
দীনের ব্যাপারে ভ্রান্তি .....	২০৮
ভুলে যাওয়া জাহান্নাম .....	২১৬



উদ্দেশ্যহীন আর কত দিন?

এবার সিদ্ধান্ত নাও! তুমি কোন দিকে যাবে.....	২২৫
উদাসীনতার যোর.....	২২৫
কর গন্তব্য কেমন?.....	২৩০
প্রশান্তির গ্যারান্টি.....	২৩২
বীনের GPS.....	২৩৩
জীবনের অঙ্ক.....	২৩৪
সিদ্ধান্ত নাও!.....	২৪২
কিছু প্রশ্নোত্তর.....	২৪৫
দীনে ফেরার পূর্বে.....	২৫৩
প্রতিবন্ধকতা.....	২৫৩
ভয়.....	২৫৫
পরিবর্তন.....	২৫৬
আস্থা.....	২৫৭
পূর্ণতা.....	২৫৭
প্রতিদান.....	২৫৭
ইচ্ছার দৃঢ়তা.....	২৫৮
দীনে ফেরার পরে.....	২৫৯
১. আবেগ নিয়ন্ত্রণ.....	২৬০
২. নফস বা প্রবৃত্তির প্রতি সতর্কতা.....	২৬২
৩. পাপের অভ্যাস ত্যাগ করা.....	২৬৫
৪. আন্তরিক প্রার্থনা.....	২৬৬
৫. সালাতের প্রতি গুরুত্ব.....	২৭১
৬. আলিমের প্রয়োজনীয়তা.....	২৭৩
৭. মেককার সঙ্গী.....	২৭৬
৮. দীনের জ্ঞান-অন্বেষণ.....	২৭৮
৯. অনলাইন থেকে দূরত্ব.....	২৮১
১০. চরিত্র গঠন.....	২৮৪
১১. সুম্মাহর পূর্ণাঙ্গ অনুসরণ.....	২৮৫
১২. আমলের প্রতি গুরুত্ব.....	২৮৮
১৩. হাসাল রিজিক অন্বেষণ.....	২৯১
১৪. আত্মসমালোচনা.....	২৯২



## ভূমিকা

প্রশংসা মহান করুণাময়ের—তাঁর সৃষ্টির সমান, তাঁর সৃষ্টির সমান, তাঁর আরশের ওজনের সমান এবং তাঁর কালাম লিপিবদ্ধ করা কালির সমান। সাত আসমান-ভরা অকল্পনীয় নিয়ামত সমান দুকদ ও সালাম বর্ষিত হউক তাঁর হাবিব মুহাম্মাদুর রাসুলুল্লাহ সাল্লাল্লাহু আলাইহি ওয়া সাল্লাম-এর ওপর।

বহমান শ্রোতের মতো বয়ে চলেছে 'সময়'। এক মুহূর্ত থামার অধিকার নেই তার। বিশাল সব রহস্যকে নিজের মধ্যে লুকিয়ে রেখে সৃষ্টির স্তরের বিন্দু হতে শেষ বিন্দুতে পৌঁছে দেওয়ার গুরুদায়িত্ব কাঁধে নিয়ে তার অবিরাম ছুটে চলা। সাথে করে বয়ে নিয়ে যাচ্ছে কত গ্রহ-নক্ষত্র আর প্রাণীর জীবন।

সময়ের মতোই নিজের মাঝে অপার রহস্য লুকিয়ে রেখেছে সমুদ্রও। তার উত্তাল শ্রোতের সাথে যেন উড়ে বেড়ায় কবিতারা। কিন্তু শ্রোতের মূল উদ্দেশ্য তো নিজের ভেতরের প্রাণগুলোকে অঞ্জিভেন পৌঁছানো। এ ছাড়া সময় তো নিজেকেই সবকিছুর উদ্দেশ্য বানিয়ে রেখেছে। তেমনই একটা উদ্দেশ্য সূর্যেরও আছে। তার দায়িত্ব শেষ হলে নিজের উদ্দেশ্য পুরা করে চন্দ্র—পৃথিবীতে নিজের স্নিগ্ধতা ছড়িয়ে দেয়। অসীম এই তারকারাজির উদ্দেশ্য পৃথিবীর জন্য দিক-নির্দেশকের ভূমিকা রাখা। এই মহাজগতে কোনোকিছুই উদ্দেশ্যবিহীন নয়। উদ্দেশ্য ছাড়া না কোনো বালুকণাকে দেওয়া হয়েছে ক্ষুদ্রতা, না তুষারকণা পেয়েছে সৌন্দর্য, আর না আকাশ লাভ করেছে তার বিশালতা। আল্লাহ তায়ালা তাঁর এই সৃষ্টি সম্পর্কে বলেছেন,

وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا بَطْلًاۙ

‘আর আসমান, জমিন এবং এদুয়ের মধ্যে যা আছে, তা আমি অনর্থক সৃষ্টি করিনি।’

মহাজগতের এই বিশাল সৃষ্টির মাঝেই এক ক্ষুদ্র সত্তার আকারে স্রষ্টার সবচাইতে বড় উদ্দেশ্য লুকিয়ে রয়েছে। তবে আকৃতি ছোট হলেও মর্যাদায় সে আকাশকে ছাড়িয়ে যায়। তারই মায়ায় নিশ্চিতি বাতে স্রষ্টা স্বয়ং ভালোবাসা বিপানের আয়োজন করেন। বিশাল সব সৃষ্টির অনবরত প্রশংসার পরেও তিনি সেই ক্ষুদ্র সত্তার দু

[১] সূরা সোহাদ: ৩৮: ২৭।

## উদ্দেশ্যহীন আর কত দিন?

চৌটির অক্ষুট আওয়াজেই তার নিকটবর্তী হয়ে যান। যে শ্রষ্টাকে সন্তুষ্ট করতে সমস্ত সৃষ্টিজগৎ তাঁর মহত্ত্ব বর্ণনা করছে, আর তিনি কিনা সেই ক্ষুদ্র সত্তার সিজদায় বুটানো কপাল দেখেই সন্তুষ্ট হয়ে যান। তবে সে ক্ষুদ্র সত্তার প্রার্থনায় যেমন শ্রষ্টার সন্তুষ্টি, তেমনই তার অবাধ্যতা আর অহংকার তাকে আনে মহান শ্রষ্টার ক্রোধ ও ঘোর অসন্তুষ্টি।

মহাবিশ্বের বিশালতার সামনে অণু সমান এই ক্ষুদ্র সত্তা হলো—‘মানুষ’। সমুদ্র বাকে মুহূর্তেই নিজের মাঝে নিখোঁজ করে দিতে পারে, পৃথিবীর ওজোন স্তর থেকে বার অস্তিত্ব আর দৃশ্যমান হয় না, একটা মাঝবয়সি বটবৃক্ষ বাকে নিজের ডেতরে লুকিয়ে ফেলতে পারে অনায়াসেই—এই নগণ্য সত্তা দুদিন পৃথিবীতে থেকেই নিজেকে এর মালিক ভাবতে শুরু করেছে। এত এত ক্ষুদ্রতা সত্ত্বেও সে শ্রষ্টার মহত্ত্বের সামনে ঔদ্ধত্য প্রদর্শনে দ্বিধাবোধ করে না। তাকে ঘিরে চলা সপ্তকালের বিশাল আয়োজন সে জানে না। তার জন্য নির্ধারিত উদ্দেশ্য বর্ণনা করে শ্রষ্টা স্বয়ং নিজের নির্দেশনা প্রেরণের পরেও সে তা গ্রহণ করে না। নির্বোধ মানুষ! এখনও নিজের অস্তিম পরিণতি সম্পর্কে বেখবর!

প্রত্যেক মানুষের মাঝে কল্পনা, আকাঙ্ক্ষা, ইচ্ছার বিশেষ কিছু বৈশিষ্ট্য এবং স্বাধীনতা দেওয়া হয়েছে। এরপর সেজবাধা ফড়িঙের ন্যায় মৃত্যুর সুতোয় বেঁধে তাকে প্রেরণ করা হয়েছে পৃথিবীতে।

কিছু দু হাত ওপরের আকাশে অবুঝ ফড়িঙের পাখনা মেলাব মিথ্যে স্বাধীনতার সুখে মানুষও আজ সুখী হতে চায়। কয়েক মুহূর্তের জন্য সে সবকিছুই ভুলে থাকতে চায়। কিছু পৃথিবীতে ছুটে চলা সময়ের শ্রোতে অনবরত ভাঙন হতে থাকে তার সত্তার। পুরোটা ক্ষয়ে যাওয়ার আগেই আচমকা ঝড়ো হাওয়ার সাথে মৃত্যু উড়ে এসে তার সত্তাকে উপড়ে নিয়ে যায়। কিছু বোকো মানুষ! তবুও নিজের ক্ষয়ে যাওয়ার কারণ খোঁজে না! দেহের খাঁচা ভেঙে অন্যদের হারিয়ে যেতে দেখেও তার ঘোর ভাঙে না! কী যেন এক নেশায় ডুবে মানুষ নিজেকেও আর নিজে বোঝে না!

অজানাকে জানার আকাঙ্ক্ষা, অস্পর্শনীয় বিষয়কে ছুঁয়ে দেখার আগ্রহ, নতুনত্বের প্রতি উদগ্র বাসনা, চূড়ান্ত শত্রু শয়তানের সাথে বন্ধুত্ব আর জাগতিক চাহিদার নিকৃষ্ট পিছাসি প্রবৃত্তির কাছে আত্মসমর্পণ করা—মানুষকে আজ দাঁড় করিয়ে দিয়েছে ধ্বংসের দ্বারপ্রান্তে। নিজ ইচ্ছাপূরণের স্বার্থে শ্রষ্টার সৃষ্টিগত নিয়ম ভেঙে সে তো তার নিজের জীবনের শৃঙ্খলাই নষ্ট করে চলেছে। নিজের জন্য নির্ধারিত উদ্দেশ্য ভুলে প্রবৃত্তির আনুগত্যকেই সে জীবন বানিয়েছে। কামনা পূরণের স্বার্থে

## উদ্দেশ্যহীন আর কত দিন?

নিচে নামতে নামতে মানুষ আজ 'মানুষ' হতেই ভুলে গিয়েছে। এভাবে অবাধ্যতার আঁধারে ঢাকা পড়ে ভালো-মন্দ নির্বাচনের যোগ্যতা হারিয়ে বসেছে তার অন্তর।

অন্যদিকে জৈব অস্ত্রের ন্যায় ইচ্ছাকৃতভাবেই পৃথিবীতে ছড়িয়ে দেওয়া হয়েছে মনুষ্যহীনতার অনুধ, যাতে আক্রান্ত হয়ে অবাধ্যতার উৎসবে মেতেছে গোটা বিশ্ব। না-চাইতেও একজন পবিত্র মানুষকেও তাই পা তুবাতে হয় অপবিত্রতায়। সকলের সম্মিলিত পাপের বিষে পৃথিবীর আকাশ ছেয়ে রয়েছে এক গুমোট অন্ধকার চাদরে। লাগাতার অবাধ্যতা সৃষ্টিশ্রেষ্ঠ জীবকে মানুষ থেকে পশু, এমনকি পশুর থেকেও নিকৃষ্টতর সস্তায় পরিণত করেছে।

### কিন্তু সৃষ্টিকুলের এত মূল্যবান সৃষ্টির কেন এই অধঃপতন?

প্রশ্নের মাঝেই রয়েছে উত্তর। মানুষ অনেক সৃষ্টির মাঝে একটা সৃষ্টি। আর প্রত্যেক সৃষ্টি তার স্রষ্টার মুখাপেক্ষী হয়। কেননা সে নিজের ব্যাপারে আদি-অন্ত পুরোটা জানে না। মানুষও তার প্রকৃত পরিচয় জানত না। মাতৃগর্ভে কে তাকে রেখে যায়, আর কেই-বা তাকে দুনিয়া থেকে নিয়ে যাচ্ছে—সে বুঝত না। নিজের দেহের ভেতরে থাকা সেই বিশেষ উপাদান কী, যা জড়দেহে আসে আবার চলে যায়, তা বোঝার সাধ্য তার ছিল না। এভাবে নিজেকে পুরোপুরি না-জেনে না-বুঝে, নিজের সুখের জন্য সে যা-কিছু নির্ধারণ করেছে, তার সবটাই পরিণত হয়েছে যন্ত্রণাময় অনুধে। কিছু সময়ের জন্য তার সিদ্ধান্তে বাহ্যিক অবস্থার আপাত উন্নতি হলেও সর্বক্ষেত্রেই অভ্যন্তরীণ অবস্থা ক্ষতিগ্রস্ত হয়েছে। সামগ্রিকভাবে ক্ষতি বায়ে এনেছে পরিণতিতে গিয়ে।

মানুষ নিজেকে বুঝতে সক্ষম নয় বলেই মানুষের স্রষ্টা কিছুকাল পূর্বে তাকে বিশ্লেষণ করে জানিয়ে দিয়েছিলেন—তার সস্তা কী, তার ভেতরের উপাদান কেমন, আর তার বাহ্যিক ও অভ্যন্তরীণ বিষয়গুলো একসাথে সামলে রাখার পদ্ধতি কেমন হওয়া দরকার। শুধু জানিয়েই দেননি; বরং সেই নীতি প্রয়োগের মাধ্যমে মানুষের সস্তাকে কতটা উন্নত করা সম্ভব, সেটাও তার প্রিয় কিছু মানুষের মাধ্যমে পৃথিবীকে দেখিয়ে দিয়েছিলেন। আর এই নির্দিষ্ট পদ্ধতি অনুসরণ করাকেই সমস্ত মানুষের জন্য 'উদ্দেশ্য' হিসেবে নির্ধারণ করে দিয়েছেন, যাতে মানুষ অন্তর-বাহিরে ভালো থাকে।

কিন্তু সৃষ্টির শুরু থেকেই মানুষ বড় অবাধ্য আর দুর্বল। নিজ চোখে জামাত দেখেও মানুষের আদিপিতা ভেতরের আকাঙ্ক্ষা প্রতিরোধে সক্ষম হননি। আর পৃথিবীতে সেসব তো অদৃশ্যই। ফলে আদমসন্তানের বিশ্বাসের দুর্বলতা আরও বেড়ে গেছে। নিজ আকাঙ্ক্ষাগুলোকেই তারা জীবনের উদ্দেশ্য বানিয়ে নিয়েছে। সেই আকাঙ্ক্ষা



## উদ্দেশ্যহীন আর কত দিন?

পূরণের নিত্যনতুন উপায়-উপকরণ দিয়ে সজ্জিত করছে পৃথিবী। চাইলেও অসীম আকাঙ্ক্ষার এই বিষাক্ত প্রভাব থেকে কেউ আর বাঁচতে পারছে না। মানুষের আকাঙ্ক্ষার এই তীব্রতা তার অধঃপতনের মূল কারণ।

### উদ্দেশ্য কী?

পৃথিবীতে নিজেকে আবিষ্কার করতে পেরেছে, এমন প্রত্যেক মানুষের জন্য নির্ধারিত উদ্দেশ্য হলো—তার স্রষ্টা অর্থাৎ আল্লাহ সুবহানাছ ওয়া তাআলার ইবাদত ও আনুগত্য।

এখানে ইবাদত কেবল নির্দিষ্ট কিছু অনুষ্ঠান বা উপাসনার নাম নয়; বরং ইবাদতের উদ্দেশ্য হলো—স্রষ্টার নিকট নিজ সত্যকে আত্মসমর্পণ, নির্বিধায় তার আনুগত্য ও সন্তুষ্টি অর্জনের প্রচেষ্টা এবং একক স্রষ্টার দাসত্ব।

### ইসলাম কেন?

মানুষের সমগ্র সত্তা একটি নৌকার মতো। আর দুনিয়ার জীবন হলো বিশাল এক সমুদ্র। এক নির্দিষ্ট দূরত্বের পরেই মূল গন্তব্যটি। সমুদ্রের স্রোত সারাক্ষণ গন্তব্যের বিপরীত দিকে প্রবহমান। কোনো ক্ষুদ্র নৌকার পক্ষে নিজ থেকে গন্তব্য পর্যন্ত পৌঁছানো প্রায় অসম্ভব।

অধিকাংশ মানুষই নিজের জীবনের বাস্তবতা না জেনে, জীবনসমুদ্রের সাথে একলা কুলিয়ে উঠতে না পেরে কিংবা স্বেচ্ছায়... নিজেকে স্রোতে ভাসিয়ে দেয়। ফলে স্রোত যখন যেদিকে মোড় নেয়, মানুষ নামের নৌকাও জীবনস্রোতের সাথে বয়ে চলে। এই নৌকা বা মানুষ উদ্দেশ্যহীন, গন্তব্যহীন।

কোনো নৌকা নিজ থেকেই সমুদ্র পাড়ি দিতে পারে না। তার জন্য একজন মালিক এবং বইঁটা থাকা জরুরি। আর মানুষের সত্তা শুধু নৌকার অবয়ব, এতে কোনো মালিক বা বইঁটা থাকে না।

তাই গন্তব্যে পৌঁছতে হলে মানুষ নামের এই নৌকার এমন কোনো দক্ষ মালিক প্রয়োজন, যার উত্তাল সমুদ্রে টিকে থাকার সাহস আছে, আছে গন্তব্যে পৌঁছার নির্দেশনাম্যাপ। আর প্রয়োজন একটা শক্ত বইঁটা, যে সমুদ্রের প্রবল ঢেউয়ের আঘাতেও ভাঙবে না।

এই পৃথিবীতে মানুষের জীবনসমুদ্র পাড়ি দিতে একমাত্র উপযুক্ত এবং সাহসী মালিক হলো—ইসলাম।

## উদ্দেশ্যহীন আর কত দিন?

কেননা জগতের সমস্ত বিপরীত শক্তির আশ্রয় চেষ্টার পরেও কেউ ইসলামের বিন্দুমাত্র ক্ষতি করতে পারেনি। নিশ্চিহ্ন করার হাজারো ষড়যন্ত্রের পরেও সে মহিমার সাথে টিকে আছে। একবিংশ শতাব্দীর পৃথিবীর বুকে খুঁটি গেড়ে যে জীবনদর্শন নিজের অস্তিত্বের জানান দিচ্ছে, তার থেকে সাহসী আর সক্ষম মাঝি কে হতে পারে?

দিক ঠিক রাখার জন্য শঙ্কপোক্ত একটা বইটাও ইসলামের আছে। তা হলো, পবিত্র 'আল-কুরআন'—যাকে সংরক্ষণ করেন স্বয়ং শ্রষ্টা, তাকে ভেঙে ফেলার সাধ্য কার? যার ম্যাপ নির্ভুল, তাকে পথ থেকে বিচ্যুত করবে কে?

তাই ইসলামকেই তোমার সস্তার মাঝি বানিয়ে নাও, আর কুরআনকেই জীবনের ম্যাপ হিসেবে গ্রহণ করে নাও। অন্য কাউকে যদি এই দায়িত্ব দিতে চাও তবে জেনে রেখো, পৃথিবীর বুকে আর কারও জীবনসমুদ্র পাড়ি দিয়ে গন্তব্যে যাওয়ার যোগ্যতা নেই, বস্তুত সঠিক গন্তব্যটাই জানা নেই ওদের। নিজ সৃষ্টির ব্যাপারে শ্রষ্টার চাইতে নির্ভুল আর কে? শ্রষ্টার চেয়ে সঠিক নির্দেশনা আর কার জানা?

মাত্রাতিরিক্ত পাপের প্রভাবে মানুষের অন্তর আজ পাথর। পথ হারিয়ে, ক্লাস্ত-হতাশ-অবসন্ন পথিকের সঠিক পথে ফিরে আসার আগ্রহটাও মরে গেছে। অনুশোচনার অনুভূতিও আর মনে জাগে না। স্বাভাবিক শব্দের স্বর আর কম্পনে একচুল নড়ে না সেই পাথুরে অন্তর। পাপের শেকড় এত গভীরে প্রবেশ করেছে যে, সামান্য বাতাসে তার কিছুই হয় না।

এই দৃঢ় অবাধ্যতায় পৌঁছে যাওয়া সস্তার অন্তরকে উপড়ে নিয়ে তার ববের সম্মুখে আছে ডে ফেলার ক্ষেত্রে 'মোহাম্মদ হেবলোসের' কোনো তুলনা নেই।

সব অন্তর মায়া বোঝে না, সব অন্তর ভালোবাসা খোঁজে না; এজন্য প্রয়োজন হয় প্রবল ঘূর্ণিঝড়ের। এ সময়ের সেই ঝড় হলো, মোহাম্মদ হেবলোস।

অবাধ্য সস্তার জন্য তার কণ্ঠস্বর প্রবল ঘূর্ণিঝড়ের মতো। গভীর ঘুম আর ঘোরের মাঝে ডুবে থাকা সস্তাকে তার স্বর ঝাঁকুনি দিয়ে ঘায়। তিনি কোনো বড় আলিম নন, একজন সাধারণ দাঈ মাত্র। তবে তার মাধ্যমে হিদায়াতের আলো ফিরে পাওয়া মানুষগুলো পৃথিবীর এমন সব সস্তা, যারা 'মানুষ' হতেই ভুলে গিয়েছিল।

বর্তমান পৃথিবীর যে কয়েকজন মানুষের সাথে জন্মাতের বাগানে বসে গল্প করতে ইচ্ছা হয়, তার মধ্যে তিনিও একজন।

## উদ্দেশ্যহীন আর কত দিন?

তবে মোহাম্মদ হোবলোসের শব্দগুলো তার দরাজ কণ্ঠের ছাড়া অসম্পূর্ণ। সবল অনুবাদ শেষে পাঠ করে দেখলাম, শ্রোতা হিসাবে তার আলোচনায় যে বিশেষ অনুভূতি জাগ্রত হয়, পাঠক হিসাবে তার পুরোটাই অনুপস্থিত। এ কারণে আমাদের নতুন প্রজন্মের পাঠের সুবিধার্থে কথার ভাবগুলোকে অনুসরণ করে সবটা নতুন করে সাজানো হয়েছে। যুক্ত করা হয়েছে দিন অনুসরণের জন্য উপকারী কিছু নসীহত।

হাজারো নিয়মনীতি আর গভীর চিন্তার ভিড়ে নিজের রব থেকে পালিয়ে বেড়ানো, স্রষ্টা-রাসুল-দীন সম্পর্কে অজ্ঞ এবং দুনিয়ার তামাশায় হারিয়ে যাওয়া মানুষগুলোকে সবাই ভুলে গিয়েছে। এ ছাড়া দীনের প্রতি আগ্রহী অনেক ভাই-বোন যথাযথ সহায়তার অভাবে এখনও ফিরে আসতে পারছে না, অনেকের জন্য একক প্রচেষ্টা হয়ে পড়েছে ভীষণ কষ্টসাধ্য। তাদের সবার ব্যথায় ব্যথিত হয়েই আমাদের উদ্দেশ্যের খোঁজে যাত্রা।

বক্ষ্যমাণ বইটি ফেরারি দাসগুলোকে তার মনিবের কাছে ফিরিয়ে আনার একটা প্রচেষ্টা, তাদেরকে রবের দিকে আহ্বান, নিজেকে খুঁজে পাওয়ার শুরু, আর নতুনদের জন্য পুরোপুরি ফিরে আসা। এখানে আমরা পথভাঙা মানুষটার সাথে খোলাখুলি কথা বলতে চেয়েছি। একসাথে বসে সমস্যাগুলো খুঁজে তার সমাধান বের করতে চেষ্টা করেছি। প্রতিটি কথা, প্রতিটি উদাহরণ, প্রতিটি বাস্তবতা একান্ত তাদের চোখ থেকে পর্দা সরিয়ে ফেলতেই সাজানো হয়েছে। ফলে লাইনগুলোতে তৈরি হয়েছে পাঠকের সাথে এক আন্তরিক কথোপকথন।

এর মধ্যকার কল্যাণকর বিষয়গুলো আল্লাহর পক্ষ হতে। আর অনিচ্ছাকৃত ত্রুটিগুলো আমাদের নক্ষ ও শয়তানের পক্ষ হতে। আমরা পূর্বেই ক্ষমা চেয়ে নিচ্ছি। অনাকাঙ্ক্ষিত কোনো ভুল চোখে পড়লে তা জানানোর অনুরোধ করছি।

সবশেষে, এই বইয়ের সাথে সংশ্লিষ্ট সকলের জন্য দুআর আবেদন করছি। ডা. শামসুল আরেফীন ভাইয়ের প্রতি কৃতজ্ঞতা প্রকাশের ডায়া আমার নেই। প্রজ্ঞার পরিণত বয়সে একজন অপরিপক্ক শিশুর আঙুল ধরাটা চূড়ান্ত বিনয় ছাড়া আর কি? এত আকাশ সমান উচ্চতা হতে জমিনের দিকে কে-বা তাকাতে পারে? এটা তার তাকওয়া ও উম্মাতের প্রতি গভীর ভালোবাসার বহিঃপ্রকাশ। আমি তো শিশুমনের আবেগ প্রকাশে এলোমেলোভাবে শব্দের রং ছড়িয়ে দিয়েছি মাত্র; তিনি দক্ষ শিল্পীর ন্যায় প্রজ্ঞার তুলিতে পূর্ণঙ্গ চিত্র অঙ্কন করে সব অনুভূতির হক আদায় করেছেন। মহান করুণাময় জীবনের শেষ পর্যন্ত তাকে নিজ করুণায় মুড়িয়ে রাখুন।



## উদ্দেশ্যহীন আর কত দিন?

**পাখিক প্রকাশন** বর্তমানে সিরাতুল মুস্তাকিমের পথের পাখিক গড়ার স্বপ্ন নিয়ে এগিয়ে চলেছে। এর সম্মানিত প্রকাশক এবং আমার প্রিয় ইসমাইল ভাইয়ের কৃতজ্ঞতা জ্ঞাপন করছি। তিনি সুযোগ, সময় ও স্বাধীনতা না দিলে বইটির নতুন রূপদান সম্ভব হতো না। আমরা তার এবং প্রকাশনীর সাথে যুক্ত সকলের কল্যাণ কামনা করছি।

যদি ভেতরের লাইনগুলো কারও জন্য উপকারী হয় বা এর থেকে সামান্য অনুপ্রাণিত হয়েও কেউ আল্লাহ তায়ালার দিকে ধাবিত হয়, তবে আমরা এর সমস্ত প্রতিদান মহান রব্বুল আলামিনের নিকট আশা করছি। তিনি যেন এই লাইনগুলোর বিনিময়ে হিনাবের কাঠগড়া থেকে আমাদের মুক্তি দেন এবং দীনের স্বার্থ রক্ষাকারী কাফেলার ক্ষুদ্র একটি অংশ হিসাবে কবুল করেন। আমিন।

বিনীত

বায়েজীদ বোস্তামী

২৮শে শাওয়াল ১৪৪৩ হিজরি



## উদ্দেশ্যহীন আর কত দিন?

### আমাদের হারিয়ে যাওয়া

স্বার্থ আর অর্থ—পৃথিবীতে এই দুটো ছাড়া কোনো মানুষ একটা কদমও ফেলতে চায় না, অথচ দুটোই কল্যাণের চাইতে ক্ষতিই বেশি করে মানুষের। পরকালের জীবনে বিশ্বাসী কোনো মুসলমান নিজকর্মের জন্য জাগতিক প্রতিদান কামনা করে না। আমিও শুরুতেই একটা বিষয় জানিয়ে রাখি, এই আলোচনার পেছনে আমার দুনিয়াবি কোনো স্বার্থ নেই। আমার জীবন-মরণ, আমার সালাত, কুরবানি কেবল মহান আল্লাহর সন্তুষ্টির জন্য।

আজকের কথাগুলো শুধু তোমার জন্য। বাকি দুনিয়া যেখানে থাকে থাকুক, সবাই যা করে করুক, সবাই যা বলে বলুক। সে সবকিছু এই মুহূর্তের জন্য ভুলে যাও। পৃথিবীর বাস্তবতা তো তুমি জানেই; এখানে কেউ কারও নয়। তাই চলো, আজ নিজের কথা একটু ভাবি। তুমি আর আমি মিলে আমাদের ভেতরের জরাজীর্ণতা কাটিয়ে ওঠার চেষ্টা করি। সব আবর্জনা সরিয়ে এলোমেলো জীবনটাকে গুছিয়ে নেওয়ার উপায় একটু খুঁজে দেখি।

তুমি আর আমি কিন্তু আলাদা কেউ নই। আমাদের জীবন এখনও পুরোপুরি পবিত্র নয়। আমিও জীবনের অনেকগুলো দিন-মাস-বছর নষ্ট করেছি নিজের হাতে। কোথায় যে হারিয়ে গিয়েছিলাম, আজ তা আর মনে পড়ে না। তবে এটুকু শুনে রাখো, তোমার স্বপ্নের যে জগৎ, আমি সেই জগতেই থেকেছি বহু কাল। সুখ অর্জনের প্রবল আকাঙ্ক্ষায় প্রতিনিয়ত তুমি যে অজানা পথের দিকে ছুটে যাচ্ছ, সেই পথের শেষ সীমা পর্বস্ত গিয়েছিলাম আমি; কিন্তু ফিরতে হয়েছে একদম শূন্য হাতে।

## উদ্দেশ্যহীন আর কত দিন?

আশ্চর্যের বিষয় হলো, এত কিছু পরেও আমি সেই অর্থহীন পথটাকেই সঠিক পথ ভাবতাম। সেই চটকদার রাস্তায় সামান্য কয়েক কদম এগোতে পারার উন্মাদনাকে আমিও সর্বোচ্চ সুখ মনে করতাম নিজের জন্য।

তাই তোমার আর আমার জীবনের মতো এদিক থেকে বিশেষ কোনো পার্থক্য নেই। আমরা একই পথে হেঁটেছি, একই গন্তব্যের দিকে গিয়েছি; কিন্তু আমি তো শেষ পর্যন্ত পৌঁছানোর পরেও সুখ পেলাম না। তোমার খবর কী বলো? এখনও কত দূর যেতে পারলে? সুখের কি কোনো দেখা পেয়েছ?

আমরা কত বোকা ভাবো, যেখানে অন্যেরা স্বার্থ ছাড়া এক কদমও এগোতে চায় না, সেখানে আমরা দুজন কোনো বকম অর্জন ছাড়াই, সুখের দেখা না পেয়েও অনর্থক একটা পথের পেছনে নিজেকেই শেষ করে দিলাম।

শুনবে আমার গল্পটা?

কিন্তু আমি তো এখন বদলে ফেলেছি আমার আগের রাস্তাটা। এখানে যদিও নিজেকে প্রকাশ করা বারণ, তবে তোমাকে বুঝিয়ে দেওয়ার মতো করে সামান্য বলছি। তুমি বুঝে নিয়ো।

একটু বয়স হওয়ার পর প্রথমবার যখন পৃথিবীর সাথে আমার পরিচয়, মনে হয়েছিল, এর চেয়ে উত্তম কিছু আর নেই। প্রথম উপলক্ষিতেই পৃথিবীর মাঝার কাছে আমি নিজেকে বিক্রি করে দিয়েছিলাম। পিতামাতার উপাসীনতায় সামাজিকতার চিন্তাধারা লালন করা এক অস্ত্র প্রজন্মের মতো আমার বেড়ে ওঠে। কেউ আমাকে সঠিক পথ, ভুল পথ, সুখ-অসুখ, ভালো-মন্দ, অন্যায়-উপকারের মূল্যবোধটা কখনও ঠিকভাবে বুঝিয়ে দেয়নি।

মারমাঠে কোনো গল্প-ছাগলকে লস্কর রাশি দিয়ে খুঁটির সাথে বেঁধে ছেড়ে দেওয়ার মতোই আমিও নির্দিষ্ট একটা সীমানার মতো স্বাধীনতা লাভ করলাম। প্রবল উচ্ছ্বাসিত হয়ে মাঠের এক দিক থেকে অন্য দিকে ছুটোছুটি করতে লাগলাম। মাঠের ভেতরে থাকা ঘাস, লতাপাতা, আবর্জনা যখন যেখানে যা-ই পেয়েছি, গ্রহণ করেছি নির্বিধায়।

সময়ের সাথে একটু একটু করে মাঠের সব সুখের স্বাদ চাখা শেষ হলো। এরপরেই বাঁধল আসল সমস্যাটা! দূর থেকে দেখে মাঠের ঝলমলে সবুজ ঘাসের যে আসক্তি আমায় উন্মাদ করে ফেলেছিল, এখন তার সবটার স্বাদ আমার পরিচিত। এখন সবকিছু কেমন পানসে মনে হতে লাগল। কেমন যেন তেতো তেতো! হাতের নাগালে থাকা সত্ত্বেও সেসব সুখের প্রতি কেমন এক বিতৃষ্ণা! বিতৃষ্ণা পরিণত হলো

## উদ্দেশ্যহীন আর কত দিন?

এক নিদারুণ যন্ত্রণায়। একটুখানি স্বস্তির জন্য ছটফটানি। কিন্তু খুঁটি ভেঙে অন্য কোথাও চলে যাওয়ার শক্তি ও আমার ছিল না।

তাই ভেতরের যন্ত্রণা সহ্যেতে না পেয়ে আমিও নিজের মালিকের কাছে ফিরে যাওয়ার আকুতি জানাতে লাগলাম, ঠিক যেমন সন্ধা ঘনিয়ে এলে গরু-ছাগল ঘরে ফেরার জন্য ডাকাডাকি করে। এরপর কী হলো, জানো?

সারা দিনের চড়া বোদ আর মাঠের তেতো সুখের যন্ত্রণা নিয়ে খুঁজে পেলাম শাস্তির সেই ঘর। মালিক আমাকে দিলেন ঠান্ডা পানি এবং আরও হাজার প্রকার অনাবিল নতুন সুখের সন্ধান। প্রতিমুহুর্তে প্রশান্তির আবেশ আমাকে আচ্ছন্ন করে রাখল। আমি টের পেলাম : পশু হোক কিংবা মানুষ—মালিকের কাছেই তার প্রকৃত স্বস্তি... আসল সুখের ঠিকানা।

তুমিও আর এভাবে যন্ত্রণায় ডুবে থেকে না। নশ্বর শরীরে এই প্রাণের মেয়াদ থাকতে থাকতেই জীবনের প্রকৃত অর্থটা শিখে নাও, তোমার সন্তার আসল উদ্দেশ্য জেনে নাও, চিনেই নাও সঠিক পথটা।

তোমার জন্য একমাত্র সঠিক পথ হলো ইসলামের পথ, দীনের পথ, কুরআনের পথ, মুহাম্মাদুর রাসুলুল্লাহ সাল্লাল্লাহু আলাইহি ওয়া সাল্লাম-এর পথ। এগুলো আলাদা কিছু নয়, এসবের অর্থ একটাই। আর এই পথ আমার বা অন্য কোনো মানুষের বলা পথ নয়; এটাই তোমার স্রষ্টার পক্ষ হতে নির্ধারিত একমাত্র পথ।

এ যুগে অধিকাংশ তরুণ-তরুণীর বিপথে যাওয়ার পেছনে মূল কারণই তার পরিবার। সহজ সরল এই মানুষগুলোর ভেতরে ইসলামের পুরোটা না থাকায় আমাদের অন্তরেও তা দৃঢ়ভাবে গেঁথে দিতে পারেননি। তাই অধিকাংশ মুসলমান আজ বাহ্যিক দু-একটা আচার-অনুষ্ঠানকেই ইসলাম হিসেবে চেনে। জীবনকে পরিচালনার যে আদর্শ বা উপলব্ধি, ইসলামের সে অংশটুকু আমাদের কেউ দেখিয়ে দেয়নি। ফলে বর্তমান সমাজ-রাষ্ট্র-বিদ্যালয় বা বাইরের পরিবেশের যা কিছু আমাদের চোখে পড়ে, তা থেকেই আমরা নিজেকে পরিচালনার রসদ নিই। এরপর একটা সময় ভেতরের সামান্য ইসলামটুকুও হারিয়ে যায়। শুধু পরিবারকেই দায়ী করা যদিও যথার্থ নয়, তবে একজন মানুষের মূল শেকড় বা ভিত্তি হলো তার পরিবার; পিতামাতা যদি উত্তম আদর্শবান হন, তবে সন্তানকে আদর্শিকভাবে সুরক্ষা দেওয়ার ক্ষেত্রে তিনি দেখবেন যথেষ্ট আত্মত্যাগ তাআলার পক্ষ হতে নির্ধারিত দায়িত্ব হিসেবে। কিন্তু ভ্রান্ত চিন্তায় ডুবে থাকা পিতামাতার সন্তানও যে পথভ্রষ্ট হবে, এ আর আশ্চর্যের কি!